

Ленинск комсомолин хургиг унтдж

Ленинск комсомол эврәннь XIII-ч хургиг тослж йовдж йова. Одахн Москвад болсн ВЛКСМ-н ЦК-н пленумин шииндврәр, 1958 джилин апрелин 15-д эн хургин делегатир цуглардж, комсомолин кўцәсн кōдлмшин дигинь келж, коммунизмин тосхлтин ноолданд багъчудин орлцлгъна шунмгъагъинь цааранднь бōдлўлх хаалгъинь темдглхмн.

Мана социалистическ госу-дарств бурдсн турўн бдрмудас авн, партъ болн правительство бсдж йовх багъчудиг сургъхд ганыо ик килмжән тәвдж йовсмн. Эвўнднь хәрў гилж советск кōвўд болн кўўкл, Коммунистическ партъд болн Советск правительствд чилшго ханлтан бргдж, патриотическ кōдлмшәрн терўган темдглхәр вуткиханә.

КПСС-н XX-ч хургин тууджлгч шииндврмуд, терўнд темдглгддж авгдсн алдр зурас мана комсомолд, советск олт-әмтнд цугталнь чигн гишнь, чидлинь улм омшулгч булг болдж, комсомелин бәәдл-джиргълинь шин ик кōдлмшәр дўўргв. Комсомольск организацс ода эдл-ахун тосхлтд зōвәр шунмгъагъар орлцдг, тодрха кергс авч збргмгәр кўпәцхәдг болцхав, кōдлмшт ик седвәр гаргъцхана.

Партин дуудврар, эврәннь зуркнә дурар, комсомольцнр Казахстан болн Алтай орлж йовал, тенд кесг зун джилд элгдлтго кевтсн эмнг газриг олзлгъ эклцхәв. Эмнг газриг эзлж олзлхин тōлә кесналдр ноолдан—советск олт-әмтнә тууджд алтн ўзгәр бичгдв. Комсомольцнрин шунмгъа седвәр орлцлгън угагъар кеглдж йовх кōдлмш мана орн-нутгт тōрўц уга.

Мана Халыг тангъчин комсомольцнр хō бсглгънә тōр кўпәлгънә турўн нўўрт йовцхана. ЭССО шаху комсомольцнр болн багъчуд хōбчнр, малчнр болдж кōдлжәцхәнә, мал бсглгънд 145 бригадс багъчудас бурдсн бәәнә. Багъчуд дундас нернь туурсн кесг хōбчнр гарв.

Халыг тангъчин комсомольцнр болн багъчуд, әмн болгъна тоод мах, ўс, тосгаргългъар ахр болзгин эргцд США-г кўцхмн гисн тууджлгч тōр кўпәлгънд шунмгъагъар орлцджана.

Тангъчар болдж йовх ик тосхлтин кōдлмшт комсомольцнр ик чидлд хўврсн йовна. Зуг Элстд гермуд бәрлгънд 1000 даву багъчуд кōдлжәнә, комсомельск-багъчудин тосхлтин бригадс соцлорлдәнә турўн нўўрт йовцхана.

Коммунистическ болн кōдлмшч партъсин Советсанә Декларациг болн Манифестиг советск багъчуд йōрдлж дōннәд кōдлмшән гуджрдж келгъар хәрў бгчәнә.

ВЛКСМ-н болх хургнь комсомелин чидлинь шўўхмн. Комсомельск организацсин кōдлмштнь ик дуту-дунд, тату халхнь чигн бәәнә. Багъчудт коммунистическ сургъмдж бглгън—комсомелин ах тōрнь. Белв энўнд формализм олә чигн ўзгднә. Элст балгъсна комсомельск организацд ода кўртл политическ сургъулин кружокс нургълдж кōдлмшән экләд уга.

Хургт белдвр келгън кōдлмшт бәәх дуту-дундиг хурдар уурулхд, багъчудиг сургъхд, эдл-ахун болн культурн тосхлтд комсомелин нилчинь бōдлўлхд оныг тусхагддж кегдх зōвтә.

Мана тангъчин комсомольцнр болн багъчудин бмн мал ўвлзўллгъиг, малин тōл авлгъиг, хаврин тәрә тәрлгънд белдлгъиг бурдәмджтә, дилвртә кевәр кўпәх ик тōр ода зогсджана. Багъчуд буслдж бульгсн чидл-кўчән малас гару гаргълго ўвлзўлхд бгх зōвтә.

ВЛКСМ-н хургин бмнәс тосдж белдвр делгрўләд, тангъчин комсомольцнр кōдлмшән ясурулдж, мана Советск Тōрскн улм цецгрдж бсхднь шин дилврс бәрхин тōлә улм гуджрдж кōдлдж йовцхана. Энўгинь улм бōдән бргдж, делгрўлдж, комсомольцнриг болн багъчудиг цугтагъинь орлцулагъ тетгхмн.